

Na osnovu člana 64. stav (1). tačka b), člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-1580/16 od 01.12.2016. godine u postupku javne nabavke za reviziju Glavnog projekta za rekonstrukciju zgrade Općine Lukavac Općinski načelnik d o n o s i

O D L U K U **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 02-05-1580/16 od 01.12.2016. godine i Ugovor za javnu nabavku usluga za reviziju Glavnog projekta za rekonstrukciju zgrade Općine Lukavac dodjeljuje se ponuđaču "SMAJIĆ-INŽENJERING" d.o.o. Goražde, ponuda broj: 338-U-1583/16 od 11.11.2016. godine, za ponuđenu cijenu u vrijednosti od 5.000,00 KM bez PDV-a, kao najpovoljnijem ponuđaču.

Član 2.

Prijedlog ugovora o nabavci dostavit će se na potpis izabranom ponuđaču nakon isteka roka od 10 (deset) dana, računajući od dana kada su svi ponuđači obavješteni o izboru najpovoljnije ponude.

Član 3.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 4

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-1579/16 od 31.10.2016. godine. Javna nabavka je sprovedena postupkom konkurentskog zahtjeva za dostavu ponuda. Procijenjena vrijednost javne nabavke bez PDV-a je 5.000,00 KM.

Obavještenje o nabavci broj: 719-7-2-68/16 objavljeno je na Portalu javnih nabavki dana 01.11.2016. godine.

Komisija za provođenje postupka nabavke imenovana Rješenjem broj: 02-05-1583/16 od 01.11.2016.godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-1580/16 od 01.12.2016. godine, Preporuku o izboru najpovoljnijeg ponuđača broj: 02-05-1580/16 od 01.12.2016. godine i Izvještaj o radu broj: 02-05-1580/16 od 01.12.2016. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno devet ponuda;
- da je blagovremeno primljeno deset ponuda;
- da nije bilo neblagovremeno primljenih ponuda;
- da ponuđač "ATRIUS" d.o.o. Živinice nije lično preuzeo tendersku dokumentaciju sa Portala javnih nabavki tako da nije bio učesnik u datom postupku nabavki, jer se radi o načinu preuzimanja koji nije predviđen članom 9. stav 4. Upustva o uslovima i načinu objavljivanja i dostavljanja Izvještaja u postupcima javnih nabavki u informacionom sistemu „E-nabavke“ („Službeni glasnik BiH“ broj:90/14 i 53/15). Obzirom na navedeno ugovorni organ je vratio neotvorenu ponudu za „Usluge revizije Glavnog

projekta za rekonstrukciju zgrade općine Lukavac" ponuđaču "ATRIUS PROJEKT" d.o.o. Živinice zaprimljenu kod ovog organa dana 17.11.2016. godine u šalter Sali općine Lukavac.

- da ponuđač "Institut za zaštitu, ekologiju i obrazovanje" d.d. Tuzla nije dostavio Ugovor o angažovanju za dipl.ing.arhitekture Ibrahima (Mevludin) Smajlovića kako je to traženo tačkom 12.2.2.a) tenderske dokumentacije, te se ista ponuda odbacuje na osnovu člana 68. stav 1. Zakona o Javnim nabavkama i tačke 12.2.2 a) tenderske dokumentacije.
- da su ponude ponuđača IBIS d.o.o. Zavidovići, "SMAJIĆ-INŽENJERING" d.o.o. Goražde, "URBIS CENTAR" d.o.o. Banja Luka, Institut za sigurnost i okoliš d.o.o. Tuzla, „PROJEKT“ A.D. Banja Luka, Javno preduzeće za prostorno planiranje i uređenje grada "Zenica" d.o.o. Zenica, „TEHNOBiro“ d.o.o. Tuzla i Institut za građevinarstvo "IG" d.o.o. Banja Luka kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 5.000,00 KM i da je kriterij za dodjelju ugovora najniža cijena.

Ponuđač "SMAJIĆ-INŽENJERING" d.o.o. Goražde dostavio je prihvatljivu ponudu sa cijenom u iznosu od 874,00 KM bez PDV-a, koja je u odnosu na kriterij za dodjelu ugovora ocijenjena kao najpovoljnija.

Iz navedenih razloga, primjenom člana 64. stav (1) tačka b) Zakona o javnim nabavkama, člana 89., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



Dostaviti:

1. IBIS d.o.o. Zavidovići
2. "SMAJIĆ-INŽENJERING" d.o.o. Goražde
3. "URBIS CENTAR" d.o.o. Banja Luka
4. Institut za sigurnost i okoliš d.o.o. Tuzla
5. „PROJEKT“ A.D. Banja Luka
6. Javno preduzeće za prostorno planiranje i uređenje grada "Zenica" d.o.o. Zenica
7. „TEHNOBiro“ d.o.o. Tuzla
8. "Institut za zaštitu, ekologiju i obrazovanje" d.d. Tuzla
9. Institut za građevinarstvo "IG" d.o.o. Banja Luka
10. Evidenciji i
11. Arhivi.-